



## Publicaziuns officialas dils 31-03-2017

---

### Damonda da baghegiar

Nr. 25/2017

Datum da publicaziun: 31-03-2017

Patrun: Ritter Stefania, 7175 Sumvitg

Liug e parcella: Laits; 1943, 1963, 2048, 2049

Object: Platta da grascha cun puschinera, ulivaziun da terren, plirs objects per animals manedels

Nr. 27/2017

Datum da publicaziun: 31-03-2017

Patrun: Deplazes Leci, 7173 Surrein

Liug e parcella: Plazzas; 5176

Object: Nova cuvrida cun catram manizau vegl, montascha da duas bandieras

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 31-03-20107

*Cumissiun da baghegiar*

### La radunonza communal dils 19 d'avrel 2017 vegn spustada

A caschun dalla radunonza communal dils 19 d'avrel 2017 era previu da tractar l'iniziativa per lantschar contractivas da fusiun ella Cadi (Medel/Lucmagn, Disentis/Mustér, Sumvitg, Trun, Tujetsch). Damai che la radunonza communal da Tujetsch ha refusau l'iniziativa il venderdis, ils 18-03-2017 ei l'iniziativa buca pli realisabla. Consequentamein desista la suprastonza communal da tractar l'iniziativa. Sin fundament da quei fatg vegn la radunonza communal spustada. Il niev datum vegn publicaus a dretg temps.

Sumvitg, 31-03-2017

*Suprastonza communal Sumvitg*

### Via Val Sumvitg

#### Serrada via Val Sumvitg naven da Val Dadens

En consequenza dad ina curdada da greppa ei la via Val Sumvitg interrutta ad Acla Mulin. Muort las lavurs da baghegiar ei la via denter Val Dadens ed Acla Mulin serrada permanentamein per tut il traffic.

Per pedunzs ei la via libra. Il passadi sper il piazzal da lavur ora ei signalisau.

La serrada cuozza prevedentamein entochen l'entschatta zercladur.

Cuntravenziuns encunter il scamond da carrar sin quei tschancun via vegnan punidas.

Ulteriur sclariment dat l'administraziun communal (081 920 25 00) ni il biro d'inschignier Deplazes (081 943 25 60).

Departament da traffic  
*Giusep Bearth, genau responsabel*

## Inoltraziun declaronza da taglia 2016

### Midadas impurtontas

Muort modificaziun sin ina taxaziun senza pupi sedattan naven dalla perioda da taglia 2016 las suanontas midadas per tut ils pagataglia.

Las declaraziuns da taglia 2016 ein niev d'inoltrar sco suonda:

Administraziun da taglia dil cantun Grischun  
Verarbeitungszentrum 1/KO  
Steinbruchstrasse 18, 7001 Cuera

Damondas da prolungaziun dil termin d'inoltrar la declaraziun da taglia ein d'inoltrar naven dalla perioda da taglia 2016 sco suonda:

- online: [www.stv.gr.ch](http://www.stv.gr.ch)
  - per e-mail: [fristgesuche@stv.gr.ch](mailto:fristgesuche@stv.gr.ch)
  - en scret: Administraziun da taglia dil cantun Grischun  
Fristgesuche/KO  
Steinbruchstrasse 18, 7001 Cuera  
Telefon 081 257 34 93
- Las damondas da prolungaziun ein d'inoltrar cun las suandontas indicaziuns: numera da register completa (inclus numera da vischnaunca 673-), num, prenum e vischnaunca da domicil.
  - Ils termins concedi vegnan buca confirmai ed ein en general buca prolungabels. En cass singuls e motivai sa in ulteriur termin excepziunalmein vegnir dumandaus.

Igl uffeci da taglia communal Sumvitg supplichescha da prender enconuschiantscha da quellas midadas.

Sumvitg, 31-03-2017

Uffeci da taglia Sumvitg

### Serrada dalla via da Surrein – tschancun Giachentrina

Igl uffeci cantunal da construcziun bassa cuntinuescha las lavurs da sanaziun dalla via atras il vitg da Surrein. L'interpresa Beer SA preveda d'entscheiver cun las lavurs da Giachentrina entochen tier la caplutta da S. Clau a Reits, naven da gliendisdis ils 20 da mars 2017. Muort la stretga a Giachentrina (profil 620–720, scrinaria Robert Bundi) sto quei tschancun vegnir serraus per scadin traffic naven da gliendisdis, **ils 27 da mars 2017 naven dallas 7.00 entochen venderdis, ils 7 d'avrel 2017 allas 17.00**. (la fin d'jamna dils 1 e 2 d'avrel resta la via aviarta). Ina untgida ei pusseviva sur Cumpadials–Sumvitg ni sur Rabiun–Sumvitg. Per ulteriur sclariment san ins seolver tier il responsabel digl uffeci da construcziun bassa dil cantun ni tier il genau da baghegiar dalla vischnaunca da Sumvitg:

Pius Cavegn, telefonin 079 334 74 14

Giusep Bearth, telefonin 076 456 90 97

Nus engraziein per Vossa capientscha e salidein.

Departament da baghegiar dalla vischnaunca da Sumvitg  
*Giusep Bearth*  
Uffeci da construcziun bassa dil Grischun, district 6  
*Pius Cavegn*

### **Sanaziun dallas vias Encarden e Planatsch a Surrein**

Ils 3 d'avrel 2017 vegnan las lavurs da sanaziun vid las vias Encarden e Planatsch a Surrein cuntinuadas. Duront il temps da sanaziun sa ei dar impediments per il traffic.

Nus engraziein per Vossa capientscha. Ulteriuras informaziuns survegnis Vus directamein dil biro d'inschignier Deplazes a Surrein, tel. 081 943 25 60.

Sumvitg, 31-03-2017

Departament traffic

### **Lenna da brisch 2017**

La vischnaunca da Sumvitg offerescha a vischinas e vischins la cumpra da lenna da brisch sco suonda:

#### **Pégn**

Igniu 55 francs/m<sup>3</sup>

#### **Ogna**

Igniu 80 francs/ster

Il quantum d'ogna ei limitaus.

Ils prezis secapeschan excl. taglia sin plivaleta. Cundiziuns da pagament ein 30 dis net.

Bugen offerin era lenna resgiada, fendida e transports tochen a casa.

Interessents san annunziar lur empustaziuns a scret agl uffeci forestal Sumvitg, 7175 Sumvitg, ni e-mail: [uffeci\\_forestal@sumvitg.ch](mailto:uffeci_forestal@sumvitg.ch), ni per telefon, 081 920 25 06. Las empustaziuns ston succeder entochen sil pli tard venderdis, ils 7 d'avrel 2017.

Bien engraziament per Vossa empustaziun!

Sumvitg, mars 2017

Il selvicultur da revier, Flurin Cathomas

### **Nova purschida per seniors e senioras el PUNTREIS Center da sanadad SA a Mustér**

La Pro Senectute Grischun ha aviert in post da cussegliaziun ella Cadi e quei ellas localitads da PUNTREIS Center da sanadad SA a Mustér. Cun quella purschida ston nossas senioras e seniors ni lur parents buca pli serender entochen Glion per ina cussegliaziun mobein san far diever d'ina tala a Mustér. Il post ei mintgamai aviarts la tiarza gievgia dil meins e quei naven dils 19 da schaner 2017. Per fixar in termin da cussegliaziun san ins s'annunziar directamein tier Curdin Casaulta, menader dil post dalla Pro Senectute Grischun sut 081 925 43 26.

### **Via dalla crusch a Clavadi**

Dumengia, **ils 2 d'avrel 2017** allas 17.00

Da cuminonza semettein nus sin via, contemplein e meditein ils maletgs dalla via dalla crusch e tedlein in text corrispondent.

Nus serimnein tier l'emprema staziun (caraun sur baselgia parochiala). Da malaura ha la via dalla crusch liug en baselgia a Sumvitg !

Cordial invit a tuttas parochianas e tuts parochians. *Sur Benny e las gruppas da liturgia*

## **Pleiv Sumvitg**

Invitaziun

Sebasond sin art. 20 dalla constituziun dalla pleiv Sumvitg envida la suprastonza alla radunonza da pleiv, dumengia, ils **2 d'avrel 2017**, allas 20.00 en casa da scola a Surrein.

### **Tractandas**

1. Beinvegni
2. Approbaziun dils protocols dallas davosas radunonzas dallas anteriuras pleivs
3. Approbaziun dil protocol dalla radunonza constitutiva dils 22-11-2016
4. Rapport dil president
5. Rapport dil menader dil cussegl pastoral
6. Presentaziun dil quen 2016 dall'antieriura pleiv Rabiun
7. Rapport dils revisurs ed approbaziun dil quen 2016 dall'antieriura pleiv Rabiun
8. Presentaziun dil quen 2016 dall'antieriura pleiv Sumvitg/Cumpadials
9. Rapport dils revisurs ed approbaziun dil quen 2016 dall'antieriura pleiv Sumvitg/Cumpadials
10. Presentaziun dil quen 2016 dall'antieriura pleiv Surrein
11. Rapport dils revisurs ed approbaziun dil quen 2016 dall'antieriura pleiv Surrein
12. Sanaziun interna dalla baselgia Rabiun, approbaziun dil project e concessiun dil credit da frs. 550 000.–
13. Elecziun d'in delegau dalla pleiv Sumvitg al Corpus catholicum
14. Orientaziuns
15. Varia

Ils protocols tenor tractandas 2 e 3 vegnan deponi en mintga baselgia silla cruna da scartiras. Ils quens dallas singulas pleivs vegnan reparti ni presentai sco usitau ellas anteriuras pleivs. Tut tgi che vul prender part dalla radunonza da pleiv e sa buca far quei muort munconza da vehichel, sa annunziar quei al president dalla pleiv Walter Deplazes (081 943 25 60) che vegn ad organisar ils transports necessaris.

Sumvitg, ils 31-03-2017

Cordial invit Suprastonza pleiv Sumvitg

## **Corporaziun d'aua e glisch Rabiun**

Radunonza generala, sonda, igl 1. d'avrel 2017 allas 20.00 el hotel «Greina».

Tractandas:

1. Beinvegni
2. Perstgisas, gliesta da tractandas
3. Elecziun dumbravuschs
4. Protocol radunonza generala 2016
5. Rendaquen:  
rapport cassier  
rapport revisur/a  
approbaziun e scarica
6. Rapport dil president
7. Elecziuns:  
revisur/a  
survigilader
8. Aquaduct
9. Illuminaziun
10. Orientaziuns sliagar si la corporaziun d'aua e glisch e surdar alla vischnaunca
11. Varia

La suprastonza

### **Casa sogn Giusep, Cumpadials**

#### **Pintga fiera da Pastgas, sonda, ils 8-4-2017 allas 11.00–16.00.**

Vendita d'ovs colurai, lieurs da tschugalata fatgas en casa, lavurs a maun. Secapescha che Vus vegnis era puppergnai da nossa cuschina – Hamburgers dil gril e dessert da Pastgas. Gl'entir gudogn va al project dalla scola Tujetschina per Nepal. Sin Vossa viseta selegran Cussadents e collaboraturs Casa sogn Giusep

### **Meisa da miezdi (gentar communabel) dalla Pro Senectute a Cumpadials**

Pro Senectute Surselva organisescha ensemen cun Nadja Scolieri ell'«Ustria dalla Staziun» a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cuminonza ella vischnaunca da Sumvitg e contuorn denter las persunas ella vegliadetgna dalla pensiun. Plinavon dat ei la pusseivladad d'embellir quella occasiun cun star il suentermiezdi da cumpignia e dar in scart troccas ni auters giugs.

Liug: «Ustria dalla Staziun», 7176 Cumpadials

Datum: venderdis, ils 7 d'avrel 2017 allas 12.00

Prezi: 8 francs per persuna cumpru gentar cun dessert e caffè.

Annunzias: Ein da far entochen gievgia sera tier «Ustria dalla Staziun», Cumpadials, tel. 081 943 19 22.